



**E KLINKERSNAN DEN
HAVENSTRAAT TA PELIGROSO
DAMA HULANDES EUROPEO A
TROMPICA KIBRA NANISHI Y
BAHA CARA**



WWW.SOLODIPUEBLO.COM



SOLODIPUEBLO@GMAIL.COM

**AUTO A DAL UN
PEATON CU A BAY
CRUSA CAMINDA DEN
KONINGSTRAAT**



**DESPUES DI A RICIBI
TIP: SOSPECHOSO
DI TIRAMENTO NA
ROTTERDAM A WORDO
CONTROLA PA POLIS
PROME CU TRAGEDIA**



**QUADRACER A BOLBE
BOLTER BANDA DI
BUSHIRIBANA 2 PERSONA
HERIDA**



**PARTIDO MEP TA INVITA
PUEBLO DI ARUBA
PA
SINTONISA E
PROGRAMA
“INTERES
DI PUEBLO”
DIASABRA
PROXIMO**



DESPUES DI A RICIBI TIP: SOSPECHOSO DI TIRAMENTO NA ROTTERDAM A WORDO CONTROLA PA POLIS PROME CU TRAGEDIA



E homber aresta diahuebs anochi na IJsselmonde, Rotterdam, pa su supuesto participacion den e tiramentonan cu a sosode den e zona aki di e ciudad, ya a wordo controla pa polis durante atardi. N'e memento ey, no tabatin motibo suficiente pa detene, ya cu e no tabata cuadra completamente cu e descripcion brinda, segun e hefe di polis di Rotterdam, Fred Westerbeke, a declara den un conferencia di prensa diabierna mainta.

E individuo a wordo deteni pa 7'or di anochi den un tienda, despues di a ricibi un pista. Polis a verifica su identidad y a saca potret di dje. "Danki p'esaki, mas laat a confirma definitivamente esun cu nos tabata buscando," Westerbeke a comenta.

A identifica dos vivienda caminata e sospechoso por tabata, und cu polis a drenta simultaneamente diahuebs anochi. E homber a wordo haya den un cas na Emelissedijk, caminda cu tambe a haya un arma di candela. "Parce cu esaki tabata e arma uza

den e tiramentonan," Hugo Hillenaar, di Ministerio Publico, a bisa.

E detenido ta un homber di 24 aña, naci na Corsou y cria na Hulanda, sin residencia fiho. Anteriormente el a wordo acusa pa horta un scooter y siendo menor, a ricibi medida di reeducacion hubenil y trabao comunitario pa varios robo. Dialuna e lo wordo presenta dilanti hues pa tres cargo di asesinato y posesion ilegal di un arma di candela.

Diferente victima Deneultimodossimannan, tres homber a wordo tira mata na IJsselmonde, fayeciendo pa motibo di nan heridanan. Dos di nan a wordo alcanza na nan caves. E victimanan tabatin 63, 58 y 81 aña. Ministerio Publico ta considera cu nan tabata "random victims".

Durante e di tres ocasion, a obtene imagen di miho calidad cu den e prome dos incidentenan. "Nos tabatin rason suficiente pa pensa cu tabata tratadi e mesun



tirado," Hillenaar a afirma.

P'esey, Ministerio Publico a dicidi difundi un potret nobo di e sospechoso, mas reconocibel y a ofrece un recompensa di 30 mil euro pa informacion cu por a conduci na su aresto. E colaboracion di e ekipo di inteligencia criminal a contribui n'e captura di e sospechoso.

Dialuna tambe a wordo aresta un hoben di 20 aña fo'i Amsterdam bao sospecho di ta envolviden e prome dos tiramentonan. "Ainda nos ta investigando su rol exacto" Hillenaar a comenta, añadiendo cu no ta kere cu e tabata e tirado, pero si cu tabata envolvi.

Alivio na IJsselmonde E bisiñanan a express nan alivio p'e aresto. "Specialmente p'e adultonan mayor, pasobra nan tabata ataca nan di trincion," un habitante a comenta.

Un muhe di e zona a manifesta cu e tabata preocupa pa su tata y su welo debi n'e peliger. "Tin un caminda aparta tras di nos cas unda cu mi tata tabata sa pasa. MI tabata



bis'e: "Bay otro caminda."

Den e shopping mall, un homber grandi tabata spera cu e detenido tabata realmente e autor di e

tiramentonan. Ainda e tabata observa cu cautela ora e cana riba caya. "Pasobra aki e tabata pasa cerca di algun mata y awo ainda ta trempa mainta."



STATEN VAN ARUBA

OPENBARE VERGADERING OP 7 JANUARI 2025 OM 10:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

- Ingekomen Stukken
- Onderzoek geloofsbrieven en toelating als leden der Staten
- Afscheid van de niet-terugkerende Statenleden
- Sluiting Zittingsperiode 2021-2024

De Griffier,

Partido MEP:

PARTIDO MEP TA INVITA PUEBLO DI ARUBA PA SINTONISA E PROGRAMA “INTERES DI PUEBLO” DIASABRA PROXIMO



Partido Movimiento Electoral di Pueblo MEP ta invita pueblo en general pa sintonisa e programa Interes di Pueblo diasabra awor dia 4 di Januari di 11 am te cu 1 pm. Durante e programa Joe Koolman como moderador lo tin como invitado lider di partido MEP, y Prome

Minister demisionario Evelyn Wever-Croes cu lo reflexiona riba aña 2024 cu a termina y riba aña 2025.

Un tema hopi importante cu Lider di partido MEP lo toca ta e tema di pensioen di biehes. Aki e lo splica den detayes con Gabinete

Wever-Croes I y II, durante e ultimo 7 añanan, a bin ta aumentando e pensioen di biehes 5 biaha sumando en total casi awg 400. Esaki sigur ta un muestra cu partido MEP ta bisa loke e ta haci, y ta haci loke e ta bisa sin manipulacion y promesa falso.

Durante e programa lider di partido MEP lo delibera riba e huramentacion di e 8 parlamentarionan di MEP diaranson proximo di cual 4 lo continua di ta den posicion di minister y di parlamentario pero bou un solo salario. Finalmente el lo toca e tema di e rekisitonan pa por bira parlamentario di cual un di nan ta cu a cumpli cu e ley di financiamiento di partidonan politico y lo refleciona riba e tema di donacion y recaudacion di fondo di partidonan politico, specialmente riba



esnan cu no a cumpli cu e ley debidamente.

Lider di partido MEP ta pidi pueblo en general pa no keda sin sintonisa e programa Interes di Pueblo

diasabra dia 4 di Januari di 11 am – 1 pm na radio TOP FM 95 pa asina por ta informa debidamente riba e temanan cu lo cubri durante e programa aki.

ACCIDENTE CU HENDE HERIDA NA BUBALI



Diarason mainta a drenta informe di un accidente cu hende herida na Bubali. Mesora a dirigi tanto polis

como ambulans na e sitio. Na yegada di e patruya a bin compronde cu aki ta trata di un accidente semi

frontal unda un vehiculo SUV a bay mucho na su banda robes y a bay dal frontal riba un Nissan March.

E impacto tabata basta fuerte, cu ambos chauffeur a resulta herida. Na yegada di ambulans nan a atende e chauffeur di e Nissan March na e sitio mes, mientras cu e otro chauffeur mester a bay hospital cu ambulans.



AUMENTO DI SALARIO MINIMO NA PERU Y COLOMBIA DEN 2025: CUA PAIS TIN ESUN MAS HALTO?

Aumento di salario minimo na Peru y Colombia den 2025: Cua pais tin esun mas haltu?

Na final di 2024, e gobiernonan di Peru y Colombia a anuncia un aumento den e salarionan mnimo pa 2025, loke a wordo ricibi como un bon noticia pa millones di ciudadano. Sinembargo, a pesar di e aumento aki, ambos pais ta sigui tin e salarionan minimo mas abao di Sur America, loke a genera critica di parti di diferente organisacion.

Gustavo Minaya, secretario adhunto di CGTP di Peru, a señala cu e Remuneracion Minima Vital (RMV) lo mester yega na 1.330 soles, debi n'e impacto di e inflacion y n'e costo di bida den e pais.

Salario minimo na 2025
Na Colombia, e salario minimo a establece na 1.423.500 peso, un aumento di 9,54% compara cu e año anterior. Na Peru, RMV a subi

di S/ 1.024 pa S/ 1.130, despues di mas di dos año sin ajuste. A pesar di e aumento, e salarionan ta sigui ta esunnan di mas abao di e region. Siguiientemente, un lista cu e salarionan minimo di algun pais Sur Americano den dollar:

- Uruguay: USD 570
- Chile: USD 521
- Ecuador: USD 460
- Paraguay: USD 367
- Bolivia: USD 342
- Colombia: USD 321,51
- Perú: USD 301,69
- Guyana: USD 284,93
- Brasil: USD 291
- Argentina: USD 152
- Venezuela: USD 3,61

Speransa di bida na Peru pa 2050
Segun e Instituto di Metrica y Evaluacion di Salud (IHME) di e Universidad di Washington, Peru lo posiciona entre e tres paisnan di



Sur America cu e mayor speransa di bida pa 2050, alcansando 82,47 año. E aumento aki ta debi n'e avancen den salud, crecimiento economico y e acceso na servicio basico. Peru ta ocupa e di tres luga, tras di Colombia y Chile.

Miho pais pa torah na Sur America E Indice Mundial di Ekilibrio entre Bida Personal y Laboral 2024,

publica pa Remote, ta señala cu Argentina ta ocupa posicion 19 den e ranking global, siendo e miho pais pa traha na Sur America. E ranking aki ta considera e cobertura di salud, vakantie y e calidad di bida, destacando Buenos Aires como e miho ciudad pa biba na Latino America pa di tres año consecutivo.

ACCIDENTE CU TRES HENDE HERIDA NA CUMANA




Diahuebs atardi a drenta informe di un accidente cu hende herida na Cumana. Mesora a dirigi tanto polis como ambulans na e sitio.





Na yegada di e patruya a bin compronde cu chauffeur di un KIA lo no a regula velocidad ni mantene distancia y a dal

tras di un Toyota Yaris. Debi na e impacto varios persona den e Yaris y un den e KIA a resulta herida entre nan un baby.

Na yegada di e ambulans nan a atende e victimanan y a transporta nan pa hospital.



ACCIDENTE CU HOPI DAÑO MATERIAL ENTRE TRES VEHICULO



Cumana - Diadomingo anochi, pasa di 9'or y mey a sosode un accidente serio entre tres vehiculo. Esaki tawata altura di

Bon Dia Supermarket na Cumana.

E tres autonan involvi ta un Chevrolet Celta, un

Toyota Vitz y un pickup Toyota Hilux.

Na e sitio nos a compronde cu pa un of otro motibo, ariba e t-kruising tegenover di Bon Dia Supermarket e Celta posiblemente a slowdown. Eynan e Vitz no a mantene distancia y ta dal cu velocidad halto na e banda drechi di e Celta.

Esaki a causa cu e la kibra e wiel di e Celta, eynan chauffeur di e Vitz a sigui maniobra y ta bay termina frontal contra e Toyota Hilux.

Ambulance a wordo pidi debi cu chauffeur di e pickup lo a haya golpi, nada serio te unda cu nos a compronde.

Polisnan di trafico mesora a cuminsa tuma datos. Doño di e Celta a bisa seguro cu e y un di e otro autonan involvi lo regla e dañonan nan mes, debi cu nan conoce otro.

Caminda a keda cera, debi cu niun di e autonan por a move ariba nan mesun forsa di e sitio.

AUTO A DAL UN PEATON CU A BAY CRUSA CAMINDA DEN KONINGSTRAAT



Diahuebs anochi a drenta informe di cu auto lo a dal un persona na comienso di Koningstraat, mesora a dirigi tnato polis como ambulans na e sitio. Na

yegada di e patruya a bin compronde cu aki ta trata di un accidente unda cu un auto Neta a dal un persona cu a crusa caminda diripiente y e auto a dal e.

Debi na e impacto y caida e victima a resulta herida. Na yegada di e ambulans nan a atende e victima y a transporte pa hospital.

POLIS A DETENE UN CHAUFFEUR DI UN TRUCK CU A HIT & RUN NA SAVANETA



Diahuebs anochi a drenta informe di un accidente hit & run na Savaneta, mesora a dirigi un patruya na e sitio. Na yegada di e patruya a bin compronde cu aki ta trata di un accidente hit & run na un "dead end" (caminda cu tin un entrada y esey mes ta e salida pues si bo a drenta via eynan ta eynan bo ta sali).

Ta asina cu e truck a drenta e caminda ey y e mester a reverse pa sali y den e maniobra ey ela dal un auto staciona. Bisiñanan cu a nota esey a avisa polis mesora.

Pa puro suerte tabata tin un patruya cerca cu a yega mesora y a haya e truck ta maniobrando pa sali. Polis a atende cu e chauffeur



y a tuma nota cu e ta bao influencia y nan a detene

pa core auto bao influencia y ocasiona un accidente.


E KLINKERSNAN DEN HAVENSTRAAT TA PELIGROSO DAMA HULANDES EUROPEO A TROMPICA KIBRA NANISHI Y BAHA CARA



Diabierna mainta polisnan durante patruya den Havenstraat a bin topa cu un dama hulandes europeo a trompica dal abao kibra nanishi y baha su cara, mesora a dirigi un ambulans na e sitio. Na yegada di e ambulans nan a atende e dama na e sitio mes y a conseha e dama bay cu propio transporte pa hospital.



MOTOCICLISTA LEVEMENTE HERIDA, DESPUES DI A ACCIDENTA NA SHIRIBANA



Shiribana - Bispo di aña altura di Domino's Pizza atardi rond di 3'or y 45 na Shiribana, pa un polis a bay cu urgencia accidente entre brommer

cu un Toyota Yaris.

Polis motorisa cu a yega a pidi pa ambulance debi cu e motociclista tawata ariba caminda drumi y no tawata comunica verbalmente.

Na e sitio chauffeur di e Yaris a conta cu e la subi e caminda druk, momento cu un auto a dun'e chance pa subi. Aki ta unda e brommer a bin dal contra e parti dilanti basta duro y e motociclista a keda benta banda di e brommer.

Trafico a stagna debi cu e momento ey nan tawata tin



hopi trafico ariba caya.

Polis di trafico a sigui protocol y a laga e dama chauffeur supla o sea a tawata ok, debi cu e dama a caba di labora.

Ambulance a presenta y mesora e Paramediconan a baha e brancard y por a mira nan yuda e motociclista lanta y subi e cama, pa despues transport'e pa Hospitaal.

ARUBA BANK A FORMA PARTI DI E 52 EDICION DI FESTIVAL DI DANDE ADULTO



Oranjestad – 30 di december 2024 - Aruba Bank ta celebracu gran exito e 52 edicion di Festival di Dande Adulto, cu a tuma lugar dia 29 di december 2024 na Club Caiquetio. E evento, cu tabata completamente gratis pa publico, a uni

e comunidad pa honra e tradicion di Dande, mostrando e cultura vibrante y e herencia musical di Aruba.

Jason Kelly a wordo corona como Rey di Dande, mientras cu Mary-Jane Vrolijk a gana e


titulo di Reina di Dande. Den categoria di Propio Composicion, Sabor Criollo a sali victorioso cu nan composicion emociona, mientras cu Tipico Stimami a tuma e premio mas halto den e categoria di Festival Tipico.

Aruba Bank ta honra pa a forma parti di evento iconico, cu ta celebra e legado cultural unico di Aruba. Nos ta extende un pabien na tur ganadornan, participante y organisadornan pa nan dedicacion na preserva nos tradicion aki.

CORTAMENTO DI SLANG PA HORTA GASOLIN TA BEK NA MODA

Diahuebs mainta a drenta informe di un caso di destruccion cu ladroncia na Botica Central, mesora a dirigi un patruya na e sitio. Na yegada di e patruya a bin

compronde cu aki ladronnan di gasolin a corta e slang y a yena esaki bay cun'e lagando e mini-van sin gasolin.



QUADRACER A BOLBE BOLTER Banda di BUSHIRIBANA 2 PERSONA HERIDA



Diahuebs atardi a drenta informe di un accidente cu hende herida banda di Bushiribana, mesora a dirigi tanto polis como ambulans na e sitio. Na yegada di e patruya a bin compronde cu un quadracer cu 2 turista y a bolter. Na yegada di e ambulans nan a atende e victimanan y a transporta nan pa hospital.

BOMBERONAN Y AMBULANS A BAY YUDA UN HOMBER DI EDAD CU A CAY DEN BAÑO Y A HAYA BASTA GOLPI NA CURPA



Diahuebs mainta a drenta un informe di cu na Paradera un homber di edad a cay den baño y a yama

bomberonan pa bin yuda lant'e, mesora a dirigi un unidad na e sitio. Na yegada di bombero a nota cu e homber a haya basta golpi y cu lo ta miho pa ambulans mes bini y control'e. Na yegada di e ambulans nan a atende y a haya ta necesario pa hib'e hospital. Cu ayudo di bombero a pone e victima den ambulans y a bay caminda pa hospital.



ACCIDENTE ENTRE UN PICK-UP HANCHO Y UN BUS DI ARUBUS, E CAMINDA NO TA SUFICIENTE HANCHO PA NAN 2



Diabierna madruga a Chikito, mesora a dirigi compronde cu yegando up kier a pasa banda di dos y nan a rasca otro. drenta informe di un un patruya na e sitio. Na e rotonde di Pos Chikito tanto e bus como e pick- otro pero e caminda no ta suficiente hanchu pa nan Afortunadamente ningun accidente na e rotonde Pos yegada di e patruya a bin tanto e bus como e pick- hende a resulta herida.

ACCIDENTE PA FALTA DI PREFERENCIA NA CRUSADA EMMASTRAAT Y J.G.EMANSTRAAT



Diabierna mainta a drenta e crusada Emmastraat y dirigi un patruya na e sitio. Na yegada di e patruya a bin compronde cu aki ta trata di un accidente pa falta di preferencia unda e Nissan Sentra biniendo for di Emmastraat no a duna preferencia na e Ford Escape cu tabata bini for di J.G. Emanstraat. E Sentra a dal den banda di e Escape y mande di banda.

Chauffeur no a regula su velocidad ni a mantene distancia a bay dal tras di auto na Shiribana



Diabierna mainta a drenta informe di un accidente na Shiribana, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un Hyundai Accent

no a regula su velocidad ni a mantene distancia a bay dal tras di un Ford Fusion. Ocasionalmente unicamente un rasca chikito na e bumper. Afortunadamente ningun hende a resulta herida.

HOMBER A CAY FOR DI STELLAGE WESO DI ENKEL A SALI



Diabierna mainta a drenta informe di cu un persona lo a cay for di stelage na Sabana

Grandi y su weso di enkel a sali y ta exponi, mesora a dirigi un ambulans na e sitio.

Na yegada di e ambulans nan a atende y a transporte pa hospital.

FORTALEZA PA FAMILIA

Scirbi pa Pastor Marcel Balootje.

TA TEMPO PA BIRA SERIO CU DIOS, Y RECONOCE E PODER DI DIOS DEN NOS BIDA

Sea sobrio, sea alerta. Boso adversario e diabel ta cana rond manera un leon cu ta grunja, buscando ken e por devora. (1 Pedro 5:8),

Un hende cu no kier tuma Dios su Palabra na serio, ni tampoco kier biba den obediencia na Dios, lo keda tropica hopi den su bida, pasobra e no kier reconoce cu Dios ta Soberano.

Un hende cu no kier kere den Cristo Hesus manera Dios ta manda den Juan 3:16 lo keda biba bao di condenacion. Pasobra e no kier kere den e Yiu unigenito di Dios. (Juan 3:18).

Un hende cu no ta hanja necesario pa reconoce Dios den su bida, Dios mes lo entrega nan na un mente perverso, pa haci cosnan cu no ta cumbini (Romanonan 1:28-32). Y tur hende lo mira efecto di esey den bida di hende.

Dios ta serio, Dios ta lus, Dios ta poder, Dios ta amor, Dios ta tur locual nos mester, pero tambe e ta exige seriedad

di nos banda, pasobra ta imposibel biba sin Dios, pero tambe ta masha peligroso pa biba dos bida, of trata di cana den dos caminda.

Nos mester splica esaki na nos yuinan y na nos nietonan, pa nan ta obediente, y cana den temor di Dios, pa evita di tropica den nan bida, pasobra tur desobediencia tin su consecuencia.

Haci bofon di Dios, a bira algo pa broma cune, tira piedra sconde man ta facil, pero tur hende mester sa cu dilanti di Dios ningun hende no tin bida priva, tur locual hende ta haci den scondi, dilanti di Dios e ta completamente sunu.

Hopi biaha hende ta haci cosnan for di boluntad di Dios, y ora nan wordo coregi nan ta bisa nan prohimo, pa no huzga, y usando e palabra "esun cu ta sin pica, tira e prome piedra" pero nos tin cu corda cu dilanti di Dios, nos no por defende nos mes cu palabra di Dios, locual tin cu sosode ta cu nos mester arepentí, aparta for di

maldad y biba pa Dios.

Ta yega asina leu cu un mayor ta coregi su yiu, y e yiu ta contesta su mayor bisando "Abo no ta mihor cumi" abo tambe ta haci mesun cos. Eynan nos ta mira cu bida di un mayor mester ta un testimonio bibo pa su yiu, y cu no tin nada negativo pa e yiu por gara na dje.

Nos lus no ta solamente nos bida spiritual, pero nos actitud, nos manera di papia, nos karakter, nos manera di atende nos asunto, sin rabia, sin gritamento, sin mentira, pero cu respet pa nos mes y pa otro nan. Haciendo bon obra, esey ta e lus cu mester briya den nos, pa tur hende por mira y glorifica nos Tata cu ta den cielo. (Mateo 5:16).

Un gran muestra di nos seriedad cu Dios ta para scirbi den Juan 3:36 bisando: Esun cu kere den e Yiu tin bida eterno, ma esun cu no ta obedece e Yiu lo no mira bida, ma e furia di Dios ta keda riba dje.

Ora nos ta serio cu Dios,

nos ta crece spiritualmente, pasobra Dios ta serio, y mas confiansa nos deposita den Senjor mas bendiciona nos ta, pasobra Senjor ta fiel y Senjor nunca lo bandona nos ni tampoco desampara nos. Den Daniel capitulo 6 Daniel ta duna nos un les, con hende por ta serio den Senjor, y no dobla pa

Clasificados



SOLODIPUEBLO@GMAIL.COM
CEL. 585 9500

SOLO De Pueblo

DIASABRA 4 DI JANUARI '25, PA 7 OR DI MAINTA TIN SANTO SACRIFICIO DI MISA

Na Kapel di Alto Vista y den Kapel di Blue Army na San Nicolas

Prome cu Santo Misa ta resa Santo Rosario pa 6.15 "Misterio Gososo", despues ta sigi cu Salve Regina.

Luna di Januari ta luna dedica na Mama Maria, Mama di Dios.

Aña HUBILEO 2025

Bon Aña Nobo na tur hende. E aña aki no ta un aña ordinario den bida di Iglesianan, pero un Aña di Hubileo. Papa Francisco a proclama 2025 como Aña di Hubileo, cu e tema: "Peregrinonan di Speransa". Aña di Hubileo cu ya a cuminsa na 1300, ora cu Papa Bonifacio V111 a invita tur fielnan di Roma pa ta tempo di peregrinacion, penetencia, renobacion y gana indulgencia plenaria. Di e tempo ey, Añanan di Hubileo a tuma luga cada 25 aña, a bira momentonan significante den bida spiritual den Iglesianan.

Mama Maria ta entercede pa nos na nos Tata Celestial. Cu tur fielnan bin resa e Santo Rosario pa bienestar di henter comunida di Aruba y tur islanan.


Papa Francisco, Obispo Luis Secco, tur sacerdote, Diacono y laiconan cu ta hiba e bon noticia pa e pueblo di Dios. Pa nos Gobernantenan y tur cu ta carga responsabilidad pa nos pais Aruba. Pa enfermonan den hospital, den Hospic y den exterior. Cu Dios Santo sana enfermonan y pronto nan regreso na cas.

Cu Mama Maria scucha sclamamento di esnan cu ta biba cu miedo y hamber. Sin cas, sin awa y sin cuminda. Henter nan bida ta destrosa bou di guera y perdido di nan sernan keri. Mas cu nunca, ban resa Santo Rosario pa PAZ na Medio Oriente. PAZ den hogarnan na Aruba y nos ruman nan riba otro islanan

Ban hinca rudia busca refugio na nos Mama Celestial
Den nos oracionnan resa pa Oekrania y Rusia cu nan por yega na e pas desea y Palestina cu ta sufri masha.

Paga bo cuenta online ta facil

Sea
Abonnement
of Aviso



Pa hasi pago online pone number y adres na
cuenta di banco RBC Sunmax Printing
account # 7700000100152447

“Bou di alanan di Dios mi ta Sigur. Lo E cubri bo cu su alanan, bou di nan
bo ta sigur, su fieldad lo ta pa bo un escudo, un harnas.”
Salmo: 91-4

Cu inmenso tristesa na nos curason, pero conforme cu boluntad di Dios y agradecido pa tur locual el a nifica pa nos, nos ta anuncia fayecimento di:



John “Johnny” Alex Habibe

The Anchorman
Director di HIT94 FM & MEGA 88 FM
*11-02-1954 - †30-12-2024

Na number di su yiunan:
Zefráh Davina Habibe
Zena Jamilette Habibe
Zia Alexia Habibe

Mama di su yinuan: Aurora Dijkhoff

Su mayornan:
†Elias Habibe
†Bienvenida Bulos

Tantanán:
Altagracia Bulos
Viola Frangie-Bulos
Marlin Bulos-Marrug

Primonan, primanan, ihanan y amigonan cercano
 Staf y personal di HIT 94 FM y MEGA 88 FM
 Coleganan den media di comunicacion y tur su fiel oyentenan

















Demas famia: Habibe, Dijkhoff, Bulos, Frangie, Roos, Ching, Toppenberg y Tromp

















Ta invita pa asisti na e acto di condolencia y despedida
cual lo tuma luga na Royal Funeral Home
dialuna 6 di januari 2025 for di 1' or pa 4' or di atardi

Cremacion lo tuma luga despues den seno familiar

Nos desculpa si den tristesa nos por a lubida algun famia

The Anchorman su bos unico lo keda recorda pa semper

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com			
Resultado: Sorteo di Merdia  - January 03, 2025					
					
Sorteo # 4496					
8347					
9343					
7070					
					
X2					
					
Sorteo # 4496					
3714					
					
X3					
					
Sorteo # 2552					
6966					
					
Sorteo # 4496					
2499					
Aries					
					
Sorteo # 1370					
499					
					
FP					
					
Sorteo #		Joker	Letter		
0 x Jackpot		Proximo Jackpot			
0 x Match 4+		180.000,-			
0 x Match 4					
0 x Afl. 12,00					
					
Sorteo #		Proximo Jackpot			
0 x Jackpot		52.000,-			
0 x Match 4					
0 x Afl 8,00					
					
Sorteo #		Mega Ball			
0 x Jackpot		Proximo Jackpot			
0 x match 4		460.000,-			
0 x Afl. 500,00					
0 x Afl 50,00					
0 x Afl.15,00					
		Afl. 630.000,-			
					
Sorteo #					

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com		
Resultado: Sorteo di Anochi		January 03, 2025		
				
Sorteo # 8438		Sorteo #	Joker Letter	
4272		0 x Jackpot	Proximo Jackpot	
4587		0 x Match 4+	180.000,-	
7505		0 x Match 4		
		0 x Afl. 12,00		
X2				
		11-12-16-18-24		
Sorteo # 7482		Sorteo # 6701	Proximo Jackpot	
8185		0 x Jackpot	52.000,-	
		5 x Match 4		
X3		109 x Afl 8,00		
				
Sorteo # 2187		Sorteo #	Mega Ball	
0390		0 x Jackpot	Proximo Jackpot	
		0 x match 4	460.000,-	
Sorteo # 6241		0 x Afl. 500,00		
1515		0 x Afl 50,00		
Acuario		0 x Afl. 15,00		
				
Sorteo # 1171		Afl. 630.000,-		
880				
		Sorteo #	Sorteo #	
X2				
				
				

PARLAMENTO DI MERCOSUR TA ADOPTA RESOLUSHON HISTÓRIKO PA BONAIRE WORDU PONE BEK RIBA LISTA DI NASHONAN UNI



Clasificados

Icons: car, house, shopping cart, car, tools, people.

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

**Paga bo cuenta
online ta facil**

Sea
Abonnement
of Aviso

Pago online,
facil y lihe

SOLO Di Pueblo

Pa hasi pago online pone nomber y adres na
cuenta di banco RBC Sunmax Printing
account # 7700000100152447

Oracion di dia

Un feliz dia y cu Dios colma boso cu Su bendicion abundantemente

"Mi mester predica e Bon Noticia tocante Reino di Dios den e otro pueblonan tambe, p'ese y a manda Mi!" Lucas 4,43

Hesus a bini na mundo pa siña Su discipelnan tocante e Reino di Dios.

Cu Su palabranan Hesus ta proclama binida di e Reino y cu Su actonan E tawata demostra cu e Reino tey caba y mesora E ta haci un milager di sanacion pa confirma cu berdaderamente e Reino tey. Mescos Hesus ta

spera di cada un di nos cu ta Su discipelnan. Nos ta nada otro cu sirbidonan cu a yega na fe pa medio di Hesus. Nos cada un tin cu haci e trabou cu Dios a duna nos guia pa Spirito Santo. No mag di tin envidia, division, ni pleitamento entre nos pasobra riba nos propio forsa nos niun no por haci nada. Tambe nos tin cu bay na unda Dios manda nos. Nos tur ta compañero den e trabou di Dios y Dios lo sa di recompensa cada un di nos pa e sirbishi den man di Dios. Animo rumannan pa sigui traha den e cunucu di Señor y asina gana alma pa Señor.

Oracion: Hesus nos Gran Maestro, instrui nos pa medio di Bo Spirito Santo y cu Bo luz ilumina nos mente y duna nos sabiduria pa nos por proclama Bo Palabra cu hopi curashi y humildad pa asina nos por ta un instrumento util den man di Señor pa sigui edifica

SEÑOR ta mi Wardador,
mi n' tin falta di nada;
den kunuku di yerba bèrdè
E ta pone mi sosegá.
E ta hiba mi na awa trankil,
pa mi bolbe haña forsa
Salmo: 23

Nos ta anuncia fayecimento di:

Jose Rosendo Tromp

Miho conoci como Piew of Jossy
*01-03-1942 - †30-12-2024

Yiu di:
†José Herminegildus Tromp & famia
†Elisa Tromp Dirks & famia

Casa/Esposa:
Fransisca Tromp Maduro & famia

Yiunan:
Marzia Lalwani-Tromp & Kamal Lalwani
Ivan Tromp & Melitza Tromp-Jacobs
Jorge Sneek & Magaly Sneek-Ridderstap
Mayra Quandus y Robert Quandus y famia

Nieto/a:
Lisen Lalwani
Jai Lalwani
Joseliene Tromp
Jesseliene Tromp
Giomar Tromp
Jomaly Sneek


Manera yiu: Francis, Geraldine, Micheline, John, Jasmin
Rumanan:
†Maria del Carmen Croes Tromp & famia
†Marignita Solognier Tromp & famia
†Calista Tromp & famia
†Elizabeth Tromp & famia
†Brigida Montaner Tromp & famia
Maria Aurora Hous Tromp & famia
†Juan Bernard Tromp & famia
†Francisco de Paula Tromp & famia

Amigonan di futbol y team RCA, bisiñanan di Sivi Divi, Maracastraat & Cas Ariba

Amigo y conocirnan y famianan na Curacao & Hulanda y demas famianan:
Tromp, Maduro, Lalwani, Geerman, Sneek, Batista, Montaner, Jansen, Dirks, Boekhoudt, Lake, Casper, Croes, Thijsen, Varis,
Wernet, Da Costa Gomez, Oduber, Pontilius, Theophile, Reyna, Vrolijk, Rodriguez, Gross, Ras, Roosberg, Arrindel, Lacle,
Solognier, Van der Biezen, Dekker.

Ta invita pa e acto di entierro cual lo tuma lugar dialuna 6 di januari na misa Inmaculada Concepcion di
2:00 pm pa 4:00 pm, despues lo sali pa Santana De Vries na Sta. Cruz

Nos ta pidi disculpa si den nos tristesa nos por a lubida un of mas famia.
Nos ta lamenta cu despues di entierro no por ricibi condolencia na cas.



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristesa na nos curason pero cu conforme cu dios su boluntad nos ta anuncia fayecimento di nos querido omo y ruman stima, un cunukero y piscado.

Tomas Aquino Werleman

Mihor conosi como: Kino
*07-03-1953 †27-12-2024



- Na nomber di su mayornan:
Mama: †Marcela Werleman
Tata: †Cleto Werleman
- Rumannan: †Bertranda y † Bernardo Werleman-Werleman y famia
†Sara Werleman y famia
†Francisca Agripina y † Marco Werleman-Werleman y famia
†Calixto Evaristo Werleman
†Clemencia Werleman y famia
†Damasa Maria Y Buchi Croes-Werleman y famia
†Jordano Werleman
†Coleta y † Hose Boekhoudt-Werleman y famia
Anna Trinita y †Rafael (Fanfa) Geerman-Werleman y famia
†Alejandro Werleman
- Su primonan: Fransico (Panchico) Werleman y famia
Filomena Werleman y famia
- Su ihanan: Blanca Jansen-Vrolijk y famia
Zydha Werleman-Henriquez y famia
Sujen Werleman y famia

Manera su yui: Albertico (Tito) Henriquez
Manera nietonan: Aythell, Ethann, Dylan, Brayden, Bradley, Bella Henriquez
Su subrina stima di tur dia un yui y ruman: Maria Geerman
Swa stima stima: Buchi Croes
Su amigo di pisca: Juan Werleman

Su sobrina/o nan na Aruba, Hulanda y Merca. Bisiña, amigo y conocirnan

Demas famianan: Werleman, Croes, Geerman, Maduro, Boekhoudt, Henriquez, Danje, Dirksz, Barendregt, Brete, Vrolijk, Van Norden, Donato, De Mei, Wernet, Leon, Besselink, Van/der Liendert, Montsanto, Wolff, Lake, Cellaire, Godet.

Nos ta invita tur famia, amigo/a bisiña y conocirnan pa asisiti na e acto di entierro cual lo tuma lugar diasabra 4 di januari 2025, e defunto lo ta reposa na Aurora Funeral Home for di 9:00 a.m – 11:00a.m, y despues pa santana Catolico Imaculada Concepcion Santa Cruz.

Si den nos tristesa nos por a lubida nomber di un of otro familiar y amistad of conocir nos ta pidi nos mas sincero disculpa.

Nos ta lamenta cu despues di intiero no ta ricibi bishita di condolencia na cas.

Ban duna Kino un entierro bunita, pa e por sosega na paz.